

1983

radio scola



- Cuntegn** 293 «Scolars da Bever preschaintan lur vschinauncha»
da Pol Clo Nicolay
- 294 «La val Tujetsch» da Norbert Vinzens
- 295 «Duno de Vaz» (rep. digls 1957) da Clo Jochberg e Toni Cantieni

1

radio scola

Organ ufizial da la Cumissiùn da Radioscola CRR
(Cuminànza Rumàntscha da Radio a Televisiùn)

Anada 30, 1983, nr. 1

Ediziùn digl Radio Rumàntsch Cuira

Abunamaint frs. 12.— / 6 carnets ad on

pustatzgùns d'abunamaint a carnets singuls en da drizar agl post
da programs, veia digl teater 1, 7000 Cuira, tel. 081/22 95 66

Cuvearta da Jacques Guidon

Tains d'emissiùn mintgame igls gliendesgis (a la gievgia sesur la
repetiziùn) segl 2. program da radio a sen la lengia 1 digl radiotele-
fon a las 9.05–9.35 uras

Cumissiùn da Radioscola

Cristian Joos, president a rapraschantant digl radio, 7000 Cuira,
tel. 081/22 95 66

Niculin Bezzola, mag. primar, 7502 Bever, tel. 082/6 51 38

Richard Cavigelli, scol. sec., 7130 Glion, tel. 086/2 26 94

Gion Clopath, scol. primar, 7099 Trin, tel. 081/38 15 59

Claudio Gustin, inspector, 7531 Sta. Maria, tel. 082/8 53 05

Mario Jegher, scol. sec., 7451 Tinizong, tel. 081/74 17 24

Augustin Manetsch, scol. sec., 7180 Mustér, tel. 086/7 53 32

Cumissiùn redacziunala

Cristian Joos, coordinatur a raspunsavel par l'ediziùn

Richard Cavigelli, 7130 Glion, tel. 086/2 26 94

Rico Falett, 7551 Sent, tel. 084/9 10 32

Mario Jegher, 7451 Tinizong, tel. 081/74 17 24

Midadas a prevista par la nov'anada

Par marcar la midada d'anada vainsa mido la calur da
la cuvearta digl carnet a par render ple vazevel igls
difaraints numers vean la zifra corespundainta stam-
pada ple grànda a plazada giudapes la pagina.

Avànt igl atun digls 1979 earan las nossas emissiùns
da Radioscola strisadas sainza sistem segls mains da
scola. Da lua davent vean egn'emissiùn emessa adi-
gna la gievgia par l'amprem'eada a la savund'eada igl
gliendesgis sesur. Quels dus gis restan ear par uon,
mo l'amprem'emessa croda sen igl gliendesgis a la
repetiziùn sen la gievgia sesur, gest igl cuntrari sco
tocan da qua ad ascheia ca la madema emissiùn vean
emessa duas geadas la madem'eada. Cugl schlar-
giamaint digl program da radio rumàntsch previeu
par l'oter on vean igl ànc egn'eada a dar midadas.

Tocan tar las vacànzas da stad en previdas las sa-
vundàntas emissiùns da Radioscola:

- 2 emissiùns «Cla Biert» dad Andri Peer
- 2 emissiùns «Il cant dils utschals»
da Gion Balzer Casanova
- «Alpinissem» da Eugen Deflorin
- «In giug per affons» da Giusep Caduff
- «Il puoz» da Ueli Buchli e Jost Falett

Cunquegl ca nus vagn antschiet egna nov'anada digl
carnet da Radioscola e ear puspe qua igl maumaint
da pajear igls 12.— frs. pigl abonamaint.

Cristian Joos

Cuntegn a datas d'emissiùn

10-1-83
13-1-83

Scolars da Bever preschaintan lur vschinauncha
da Pol Clo Nicolay, Bever

per tuot
las classas

La scoula secundara da Bever ho ramasso interessantas infuormaziuns. Ün cuort sguard istoric,
rapports ed intervistas daun ün purtret fich multifari. Pustüt la situaziun linguistica ans do da penser. In
mincha cas invida quista survista da fer ün conguel cun noss'egna vschinauncha.

24-1-83
27-1-83

La val Tujetsch
da Norbert Vinzens

dalla tiarza
classe ensi

En quella emissiun presenta igl autur la situaziun geografica, cultur-historica ed economica da quella
val. Ei vegn raquintau dils cavacrappa, da detgas e striegn. Ils scolars dalla scola reala emprovan la
finala dad informar igl auditor davart Tujetsch ier ed oz. Era dil turissem vegn ins a s'occupar, damai che
lez influenziescha buca pauc nossas vals muntagnardas.

7-2-83
10-2-83

Duno de Vaz
da Clo Jochberg e Toni Cantieni

dalla 5avla
classe anse

Repetiziun d'en'emissiun digl onn 1957. Agl center stat igl pi renemo represchantant dalla dinasteia
digls barungs da Vaz, famiglia regenta ainten igl Grischn digl 14. secul. Nous santign dallas relaziuns
hostilas tranter Duno da Vaz ed igl uestg da Coira e l'Austria, dallas bunas relaziuns digls da Vaz cun igls
guaisers u valsers e dalla battaglia sper Filisour tranter Duno da Vaz ed igl uestg Rudolf de Montfort.

Scolars da Bever preschaintan lur vschinauncha

da Pol C'lo Nicolay, Bever



Bever 1708 m s.m.

La vappa ans muossa a San Giachem, il patrun da
nossa baselgia

Sieu nom

La derivaunza dal nom «Bever» es intscherta. Il cun-
tschaint filolog R. von Planta disch cha'l nom deriva
dal pled gallic «Beberos». Però probabel deriva il
nom dal pled latin «bos» = bov – pascul pels bovs.



Industria e commerzi:

2 impraisas da fabrica
2 falegnamarias
2 garaschas d'autos
1 carossaria
1 garascha per maschinas agriculas
1 cuvratets
1 mettaplattas
1 revisiun da tancs
1 affer da pulizia e culuors
2 chesas per turists

2 ustarias
1 pensiun
1 hotel garni
1 butia da coloniels
1 butia da stoffa
2 affers da coiffeur
1 giardinier
1 apicultur professionel
1 lattaria regiunela
1 büro d'architectura

Passand cul tren our per la bella Val Bever as evra dandettamaing üna largia valleda alpina. In quist lö, a l'imbuochadüra da la val, as rechatta l'amabla vschinaunchetta da Bever, circundeda da superbguas muntagnas.

Fand üna granda stüerta festina il tren inavaunt sù per l'Engiadin'ota incunter als grands e cuntschaints centers turistics da Samedan, Schlarigna e San Murezzan, laschand davous se a Bever in sia prüveda modestia.

Il svilup modern cun tuot sieus avantags e dischavantags s'ho però fat valair eir in quist quaid löet da las parevlas, da l'atmosfera engiadinaisa cun las grandiusas chesas, culs sulers, culs vouts e cullas stüvas intagliedas.

Bever es cuntschaint scu lö fraid. Cò as rechatta eir üna staziun meteorologica. La differenza da las temperaturas in lügl ed in schner es in media 20.7 gros.

Las temperaturas pü extremas imsüredas a Bever sun +34 e – 35 gros. Ad es però da dir cha in vschinauncha avains 5–8 gros pü chod cu in vicinanza da l'En.

Il pü vegl oget cuntschaint es üna farcla da bruonz, chatteda in Val Bever aunz cu fabricher la chamanna da tregants aint a Curtin. Hoz as rechatta quista farcla aint il museum retic a Cuira.

Düraunt il temp da la guerra da Chalavaina sun gnidas devastadas dad incendis bod tuot las vschinaunchas da l'Engiadin'ota, traunter quellas eir Bever inclus la baselgia. Quella es alura gnida refabricheda ed inaugurada l'an 1502. Sieus protectuors religius sun ils senchs Giachem, Christoph e Sebastiaun.

Da quel temp avaivan tuot las baselgias ün patrun chi protegiaiva la baselgia e'ls crettaivels cun lur chesas da prievels elementers (boudas, lavinas, fö etc.)



Da pü bod eira Bever benestant e valaiva in Engiadin'ota scu vschinauncha progressiva. Dal 1803 existiva già ün cataster dals bains privats, que voul dir ün plaun e register culs cunfins dals pros.

Dal 1850 ho que do salascheda nouva. Dal 1860 ho Bever fat stamper ils tschantamaints scu prüma vschinauncha d'Engiadin'ota.

Bgeras famiglias benestantas haun fabricho cò lur villas chi'ns sun restedas perdüttas da lur ricchezza, ma chi sun melavita serredas e servan be scu ricover da vacanzas.



Il pü vegl stabilimaint es la fatscheda da la baselgia chi guarda vers Val Bever. Avaunt var 20 ans as ho chatto pittüras sül mür chi derivan da differents temps.

La situaziun geografica da Bever

Noss perdavaunts haun tschernieu la pusiziun ideela sül territori da Bever per fabricher lur vschinauncha:

1. La vschinauncha veglia es fabricheda in distanza da 100 fin 150 meters dal pè da la Crasta Mora.
2. La vschinauncha es fabricheda a l'ur da la bouda da Val Bever (inuondaziun dal Beverin).
3. La vschinauncha es fabricheda sur la lingia da inuondaziun da l'En.
4. La vschinauncha es fabricheda sün terrain süt.
5. La vschinauncha es fabricheda in vicinanza da funtaunas.
6. Il god da «Cuas» ho la funcziun da paravent.
7. La vschinauncha es fabricheda our da la zona da tschiera. Sper l'En sun in media 50 dis l'an tschiera, in vschinauncha però be ca. 2 fin 3 dis.
8. In marz ed in avuost do que dis cha be Bever ho il sulagl da la saira.



La chesa «Salis» es hoz in possess da «l'IMMAURIZIANA AG». La bella mobiglia veglia es già svanida. Ad existan progets per fer abitaziuns d'egna proprieted.

*La chesa da scoula nouva, fabri-
cheda l'an 1974.
Vista vers Val Bever.*



*Sülla fatscheda da nossa chesa
da scoula algorda üna pittüra
da Braschler a las parevlas da
Nann'Engel.*



Bever al pè da la Crasta Mora.



Las Agnas

A «Las Agnas» existiva la chesa cull'ustaria inua chi d'eira a sieu temp üna stüva da dret dal «Cumün grand». Quel cumpigliaiva las vschinaunchas d'Engiadin'ota. In quista stüva gnivan mnedas las tschantedas culs mastrels da las differentas vschinaunchas. Dal 1726 ardet giò la chesa cumplettamaing, e cun agüd dal «Cumün grand» gnit quella refabricheda, darcho culla cundiziun d'avair lur stüva da dret.



Ils scolars da la quarta classa insü pudaivan ir al Chalandamarz cun lur s-chellas e plumpas fin giò las Agnas a chanter lur chanzuns. Che divertimaints! Üna buna marena e suter ün pèr uras aint illa sela da «Las Agnas», chi ils ultims ans scruschiva e sbalunzchaiva magari ferm! Que d'eira üna granda bella vita da pudair esser da la partida. Displaschaivelmaing es la chesa gnida negletta e pü tard, dal 1920, è'la gnida sbueda causa il prievel ch'ella crouda insembel.

Il tunnel d'Alvra

Ad eira previs da glivrer il tunnel l'an 1902. Ma in settember dal 1899 avaivan cumanzo las difficulteds. Ün töch da la paraid d'üna lungezza da 12 meters es crudo insembel. Il lej da Palpuogna as avaiva svödo aint il tunnel. La reparatura ho düro och mais. L'impraisa taliauna nun es pü steda abla da cuntinuer la

lavor aint il tunnel. Uschè es que sto quiet per 15 mais. L'indschegner Rudolf Weber ho alura surpiglio la lavor e l'ho mnedà a fin in marz dal 1903.

La staziun da Bever d'eira pronta già il 1902. Eir sch'ella sto a la diramazion haune decis da metter la staziun principela a Samedan. Dal 1913 es gnida inaugurada la viafier da Bever fin Scuol.



Indicaziuns pel 1. fögl da lavor


– Il scolar stuves clapper ün pèr indicaziuns dal magister a maun dal quadern.

– Scu agüd e cumplettaziun serva il fögl da skizza.

– Il text da lavor po gnir scumpartieu zieva l'emischiun. La classa stess però fer notizchas.

Documentaziun: Archiv da la vschinauncha da Bever cun agüd da sar Eduard Campell-Biveroni

1. A Bever staiva üna veglia cusunza chi vaiva nom Ella quintaiva bgeras bgeras stupendas, scu per exaimpel
2. La vschinauncha da Bever as rechatta a l' da la Val Il flüm chi percuorra la Val Bever as nomna
3. Aint a «Curtin» es gnieu chatto üna da Uschè as po dir cha l'E eira già da quel temp.
Il pü vegl stabilimaint da Bever es il da la
4. A «Las A» existiva ün'u illa quèla as rechattaiva la stüva da dal
5. Per proteger il e'l pas-ch sun gniesu fabrichos da lavinas sülla
6. l'ls ultims desch ans sun gniesu realisos quatter progets chi faivan prescha:
 1.
 2.
 3.
 4.
7. Bever ho hoz paurarias. La prodüa e
8. Ad Isellas as rechatta la piazza d' per tuot l'Engiadin'ota.
9. l's scolars da la scoula secundara publicheschan da temp in temp üna rumauntscha, las « da ».
10. Nus pudains mantegner il rumauntsch, scha minchün



Noviteds da Culögnas

N° 6, 2. anneda, favrer 1978

Cur cha'l prüm auto es gnieu a Bever!


L'an 1924 eiran ils autos auncha scumandos in tuot il chantun Grischun. Ma già l'an zieva cumpret ün vschin da Bever, sar Rudolf de Salis, ün tel veicul.

El d'eira be simpel. Ils spaits da las roudas d'eiran our da lain, pittüro mellan. L'auto svest deira blov ed eira gnieu construieu da la firma «Rickenbacker» chi nun exista uossa pü.

L'an 1925 es gnieu condüt quist veicul da sar Albert Schüepp per la prüma vouta tres il cumün da Bever. Que saro sto ün vaira evenimaint!

Sar Rudolf de Salis nu condüaiva svest sieu auto, el druvaiva ün chauffeur. Da quel temp possedaivan be ils pü richs ün auto. El guardaiva our scu üna charrozza da chavagls cun ün tet da taila da tschaira cha's pudaiva luvver inavous.

Zieva ün viedi pü lung eiran ils passagers la saira uschè staungels! A vaivan mel las arains-scu ad esser ieus a spass in üna charrozza, tratta d'ün chavagl.



Cronica da scuola

L'eivna passeda, dals 13 fin als 16 favrer, avains passanto ün'eivna da sport cun nossa cuorsa da skis. Ad avains giodieu ün bel di cun bger sulagl sü Muottas Muragl. Marculdi essans ieus culs skis da passlung fin a Zernez. Partenza ad Isellas la bun'ura a las desch cun - 28 °C!

Düraunt nossas cuorsas es l'ora steda main agre-
abla. Nus avains però tuots giodieu ils dis da sport.

La redacziun:

Emerita Ruffner
Sandra Trüb

La val Tujetsch

da Norbert Vinzens


Alla val Tujetsch

Seis salidau sulom alpin
Tujetsch ti cara val!
Ornaus ti eis dil maun divin,
Miu tratsch e vitg natal.
Miu bi Tujetsch tei tegn jeu car,
Ti car sulom patern.

Sep Mudest Nay



Rueras





Sin via

Tujetsch schai sisum la Cadi ed ha sco vischins il cantun Uri ed il cantun Tessin. L'entira val appartegn pia ad ina vischnaunca. Sper il flum principal, nies Rein, che ha sia tgina el lag da Tuma e che crescha tier in flum europeic, ha ei aunc dretg e seniester valladas lateralas, dallas qualas Nalps e Curnera ein stuppadas cun lags da fermada. Sedrun ei la capitala da Tujetsch, leutier appartegnan aunc numerus vi-tgets ed uclauns.

Ils davos onns ei Tujetsch carschius tier in fetg enconuscent renomau liug da turissem. Atgnamein ei quella vallada stada da vegl enneu en contact cun in cert turissem, pertgei sco davosa val avon l'ascensiun sill'Alpsu deva ei cheu gia pli baul ustrias e casas d'albiert. Sco liug da vacanzas ei la sulegliva e ruasseivla val Tujetsch vegnida enconuschenta pèr suent-ter l'emprema uiara mundiala. Gia avon havev'ins observau il bi territori da skis e bia turists vegnevan sul pass neu. Igl onn 1929 possedeve Sedrun ina scola da skis. Naturalmein, la gronda peisa han ins dau lu al sport d'unviern. Igl onn 1956 ei la sutgera da Cungieri vegnida baghegiada, 1962 suondan ils ru-nals a Dieni-Milez e pli tard a Valtgeva e Surrein. La val Tujetsch ei fetg adattada per cuorsa liunga, per far spassegiadas sco era per far turas en la biala regiun alpina.

La stad anflan numerus hosps en Tujetsch in liug ruasseivel cun biaras vias da spassegiar bein mar-cadas.

Tujetsch posseda ina lescha da baghegiar e quella vegn suandada rigurusamein, aschia che las bialas

casas lenn tuatschinas vegnan baghegiadas e prote-gidas grondamein. Ils davos onns han ins bunamein surfatg cun baghegiar, uss ei quei empau meglier.

Entras il turissem che ei carschius enormamein ils davos onns ei il puresser ius anavos considerabla-mein. La vischnaunca ha baghegiu ils davos onns gronds edificis ed aschia dau gudogn e fadigia a biars indigens ed jasters. Il vender terren da baghe-giar egl exteriur ei momentan bloccaus.

A Tujetsch han las femnas il dretg da votar. La visch-naunca posseda sper ina autoritad executiva ina le-gislativa che consista ord 17 personas. Finanzialmein stat la vischnaunca da Tujetsch stupent. Grondas intradas portan naturalmein l'ovra electrica dalla ORA. Avon onns ha quella era purtau bia fadigia entras baghegiar edificis ed implonts.

En Tujetsch vegn ei plidau il romontsch tuatschin che ei in tec ius en emblidanza tier la generaziun giuvna. Il lungatg romontsch vegn denton tgiraus cun l'atten-ziun duida.

Segir fuss ei falliu da vuler far ord la val Tujetsch in territori spirontamein mo pil turissem sco auters lo-ghens enconuschents el Grischun.

Malgrad il turissem vegn la cultura tgirada per gronda satisfacziun d'in e scadin. Tujetsch posseda dus chors baselgia, in chor mischedau, ina societad da musica, in'uniun da ballapei, in club da skis, in'uniun da catschadurs e da pescadurs, in'uniun da tiradurs, in'uniun da giuventetgna, ina da gimnastica ed aunc biaras uniuns pli pintgas. Lein sperar ch'il bien spèrt ed ideal resti e detti honur alla val Tujetsch!



Uoppen

Ina punt che ei ligiada cun duas tuors, la colur ei cotschna ed il simbol d'argien. Igl ei igl uoppen da famiglia digl avat Pieder da Pultengia, confundatur dalla Ligia Grischa che ha giu liug ils 16 da mars 1924 a Trun. Colur digl uoppen da vischnaun: tgietschen-alv.

Vitgs ed uclauns ella val Tujetsch

Da vart dretga dil Rein:

Surrein	1380 m s.m.
Cavorgia	1343 m s.m.

Da vart seniastra dil Rein:

Tschamut	1610 m s.m.
Selva	1550 m s.m.
Dieni	1400 m s.m.
Rueras	1400 m s.m.
Zarcuns	1420 m s.m.
Camischolas	1420 m s.m.
Gonda/Salins	1400 m s.m.
Sedrun	1400 m s.m. capitala
Bugnei	1436 m s.m.

Surfatscha:	13 391 ha
uaul:	905 ha
praus:	894 ha
pastiras:	614 ha
alps:	8 161 ha
buca cultivau:	2 817 ha

Carschen e digren dalla populaziun

Vischinadi	1980	1970	+ / -
Tschamut	22	56	- 20
Selva	14		
Rueras, Dieni	306	320	- 14
Zarcuns	40	160	+ 61
Camischolas	181		
Gonda/Salins	298	251	+ 47
Sedrun	391	395	+ 26
Bugnei	30		
Surrein	21	40	- 11
Cavorgia	8		
	1311	1222	+ 89

Agricoltura

56 purs, da quels 36 purs pli pigns

Industria e commerci


A Tujetsch dat ei:

- 6 scrinarias
- 1 fravi e stagner
- 3 stagners
- 3 garaschas
- 3 fatschentas da baghegiar
- 2 fatschentas d'electro
- 1 fabrica da nezzas
- 3 coiffeusas
- 1 calger
- 2 pasterners
- 3 tschentaplattas
- 2 picturs
- 1 fatschenta da pegnas
- 2 mazlarias
- 2 bancas
- 1 stagnaria d'autos
- 2 resgias
- 1 miedi
- 2 cascharias
- 3 installaturs
- 12 hotels
- 6 ustrias
- 2 caffes
- 1 bogn cuvretg
- 15 casas per giuvenils
- 7 stizuns da victualias
- 2 stizuns da mobillas
- 3 biros da posta
- 3 kioscs
- 1 casa d'affons


Ils cavacrappa

La sesiun dil cavacristallas ei cuorta. Ella secon-centrescha sils meins da zercladur tochen igl october. Pli ad ault ch'il fuorn ei e pli pigns ch'il temps da raccolta ei. Ultra dils uaffens allegai drova il cavacrappa era cumpressers a benzin. Per arver in fuorn sto il cavacrappa schar reger gronda atenziun, schiglioc ei sia preda lavagada.

Tgi che vul admirar las bellezias cristallas da nossas alps ha caschun da far quei el museum natur-historic a Cuera.



Quarz da val Giuf



- a ebisel, specia da palfier
- b sgaret, specia da ruscher
- c sgaret
- d marti da miradurs
- e zappa da moni cuort
- f marti da puntgas
- g puntga gitta
- h puntga
- i tradel
- k guila

La pegna scalegl tuatschina



Pli baul scaldavan ins en Surselva quasi mintga stiva cun da lom Quei crap stgir verds vegn explotaus mo pli darar ozildi ellas da Tujetsch.

Cun ina resgia e semptga en siu luvratori las plattas sortidas ad ina grossezia da 12 – 15 cm. Las surfatschas exteriuras smeriglià e mola el cul neidiamein. Pér en stiva montescha il pigner lu las singulas La pegna vegn adina pustada sper la preit encunter la per ch'ins sappi scaldar da leu anora ella tras la Savens lai il possessur scalprar en ni La pegna tuatschina ei in oreifer Quei crap recepescha spert la calira e dat ora quella mo plaun e plaun. Scaulda la mumma fetg la pegna la sera, ei quella l'au- tra aunc adina emperneivla caulda.


Cul temps vegnan las pegnas scalegl bunamein neras. La pegna scalegl tuatschina ei per la stiva buca mo in emperneivel distribuider da calira, ella ei in veritabel

Scriva ils suandonts plaids ellas dretgas largias!

crap, inizialas, annadas, cuschina, damaun, tschentapegnas (pigner), bucca-pegna, bischu, maschinas da smerigliar (da mular), crap scalegl ni crap Lavez, cavas da crappa, fresa da crappa, pegna tuatschina, parts, ornaments, accumulatur da calira.



Viafier Furca-Alpsu




Enquera las comunicaziuns interurbanas (pil lontan) e transporta quellas els rectanghels!

<i>Loghens:</i>	1	5	9	13
	2	6	10	14
	3	7	11	15
	4	8	12	16

In chischner tuatschin

(Per zambergiar)



(ord: DRG, tom 3)



Detgas tuatschinas

Igl um e la femna che fagevan never si Scharinas

In schliet onn stuevan ils pasturs d'alp savens vegnir cun ils tiers ella bassa. In di vegnan dus pasturs culs tiers a Surpaliz, da l'autra vart da Selva. Pertgirond leu lur animals, observan ei da l'autra vart si Scharinas in um ed ina femna en in dutg. Quels mavan dil dutg si e giu a turschond l'aua. Cheu di in dils pasturs a l'auter: «Lein bein mirar tgei che quels dus fan cheuvi!» Gleiti vesan els ch'ei seglian dil dutg giu tochen tier la seiv che sparta la pastira dil prau. Igl um seglia lu sur la seiv o el prau e dat per tiara. La femna semetta cun la bratscha sin la seiv e mira riend co gl'um leva si. Gl'um cuora dil prau si, tochen ch'el arriva tier ina tegia da mises. La femna cuora suenter la seiv vi tochen tier quella tegia. Ussa semettan domisdus sper la tegia in sper l'auter e lur vestgadira ei vegnida tut alva. Gl'auter di ha ei lu dau neiv tochen ella bassa.

Las duas femnas sin l'alp da Tiarms

Sin l'alp da Tiarms ha il paster inaga viu ina dumengia bein marvegl cura ch'el mava cun sia caschada dadens la tegia enasi, sur ils platius dado la Vegliauna, duas femnas, ina tut en tgietschen e l'autra tut en alv. Quellas mavan d'in crest a l'auter e perfin sin ils pli malsegirs grugns e fagevan sco d'encurir flurs. Ei era in di da stupenta bial'aura. Suenter ch'il paster ei staus o las pegnas dil Calmut eis ei vegniu ina brentina ord la val Vegliauna ed en cuort eis ei stau freid e mitgiert e prest ha ei entschiet a plover, dar garniala e

never da tala maniera ch'ei han bunamein stuiu schar ir ils tiers a frusta ed els han aunc quella sera stuiu ir cun las chischadas giu en la val.


Quels che peinan lenna egl uaul da Cavorgia

Egl uaul da Cavorgia udev'ins savens durant la notg a pinar, tigliar e scursar lenna. Negin astgava ir a mirar tgei quei fussi. Finalmein pren in um la curascha e va e sezuppa la notg en quei liug. Cheu vegn ei puspei pinau lenna sper el. El veseva co las stialas siglievan per gl'uaul entuorn, quels che pinavan vesev'el denton buc. Plein tema astgav'el buca seruchiar, schegie ch'el ha viu ch'ina stiala ei siglida ad el en sac. Cura ch'ei ha tuccau da stizzar han ei calau da far lenna e gl'um ha astgau ir ord gl'uaul. Arrivaus a casa ha el rugadau ora il sac ed ha anflau en quel in toc aur.

Discuors sin cadruvi

«Quai è betga maniera, schè vegni giu las tgaurs els praus da miasa stad. Tgi so, pertgei ins dat da quellas piaglias? Ju sa betga tgei gianter quels buezs fon cossè tudé. Vut el betg, ne o el nuet streh da fa tgavrer? Da miu tiams vess ins fatg quertas, ins vess schau i a tgesa de quella gliut. Ju sun in um vegl, aber sch'ju vess in tec meglieras tgombas, scha tumess ju aunc ussa betga de fa tgavrer. Hm, pertgira enzacuntas tgaurs sin de quella pastira – uonn tgo lu aun fatg de quell'aura! Quai è betg'urden! Dafartaun, pervia de mè fagei tge cus lais!» –

Il casti da Pultengia



Sut l'ischala a Pultengia teidla Patricia, la dunschala dil casti, il misterius ustgem dalla feglia lada e clar-verda. In resun remarcabel sezaccuda d'ina tschema a l'autra e sespiarda zanu el lontan. La merlotscha dil bec mellen ha la gargatta plein triolas. Il cantinem digl utschi dat anim allas mellis speronzas el cor dalla giuvna.

Patricia tegn la palma sur ils eglis e mira viers la Rufna. Il bab ei ius anson vi la taverna. Sa sch'el ei gleiti da retuorn. La mumma ha semtgau la tscheina e tarmess sia matta per quei intent ordaviert a clamar la casada. Atgnamein ha ella plitost d'encurir siu frar, il Pieder. Il bagat dad in buob! Traso per las taviarnas. Jeu garanteschel che quei cherli ei danovamein tiel ziep da Malamusa. Schemo el lai buca traplar il bab. Pervia dil Malamusa veva il Pieder survegni in ex-ordi.

D'ina altra pasta ei il frar giuven, il Pirmin. Per catter lez tucca ei da revolver pign tschancun. Ual ussen eis el ius in segl si surcombras a mirar sch'ils falcuns seigien a mischun. Buca darar ha el era fastitgs da falcunier, numnadamein nodas e sgreffels en fatscha e sils mauns. Cu els gezzan lur bec, ein ils falcuns ni crets ni maneivels. Ils bials ein ils cotschens. Fideivla fumeiglia da catscha.

Il eglis dalla dunschala examineschan cun plascher il casti e la tuor. In baghetg spir laupias, portals e finistrels d'observaziun. La vart encunter damaun ei protegida d'ina teissa spunda che penda ellas auas dil Milar. Las autras treis varts ein circumdadas da mir. Al portal e sin cucheras e curnischs paradeschan neglas, geranis e flurs da tuttas sorts. Tut ei schi bein ornau e manteniu. La manutta inschignusa d'ina femna sa far miracles.

Il patratg dils frars po nuota sefultscher pli afuns el tgau da Patricia. Il tuns da flauta dalla merlotscha, che tremblan atras l'aria da sera, carsinan las nialas dalla matta. Ina cavellera neraglia sco la capetscha d'in corv, duas survintscheglias ladas e grassas sco duas curegias, dattan alla matta ina cumparsa tut aparti. E per ses dus eglis clars e glischs e transparents sco in tschiel d'october. Ina bellezza sorprendenta.

Mo ual sco ina cadeina da culem peisan sias circa melli jamnas ch'in destin buntadeivel ha mess bufatg alla giuvna entuorn culiez. Cun in tschaffien ed ina speranza senza paregl miran ses eglis sur las uclivas dalla val. In rir carin setschenta alla matta sillas levzas. Schi grondas letgas sco ella han mo paucas, forse gnanc tut las princessas.

E tuttina sepalba meinsvart zatgei sco in nibel sur siu frunt. Entschiet veva ei cun la fiasta dils catschadurs. Dapi ch'ella veva cattau ad agur in mat cun eglis gross e stgirs sco la notg, che tuccava schi segir la noda, era Patricia vegnida magari pli malruasseivla. O, ella strusch enconuscheva il giuven. El seigi in um respectau dils uuls sin l'ala dretga dil Rein.

Biars stupents e bials mats eran stai inaga u l'autra a Pultengia e vevan giu tschaffien da dumandar il Clau il maun da sia feglia.

Il bab da sia vart veva fatg la tscherna. El risdava en semeiglias dil Gion de Ragisch, il ministerial da Chischlatsch al pei dil Lucmagn. Glieud da cundiziun cun zatgei enta pugn. Entradas e muneida cuschentan ils sinzurs dil cor. Per ordinari la devisa dil Clau. Da sia opiniun ha el pil solit mai schau muentar in fiferlin.

Zatgei gadas era il Gion staus a Pultengia. Entochen oz era Patricia senuspida da prender posiziun u schizun da far resistenza.

La gronda speranza ei la mumma. Sch'ei vess da vegnir adaquella. La mumma Catrina, la signura da Peisel ei zun stimada da tut la val ed ins numna ella schizun la mumma dils paupers e squitschai. Ella vegn a gidar sia suletta feglia en cass da basegns.


La dunschala dil casti sepusa viers il best digl ischi. Ella para da semiar. Malgrad ch'ei fa da brin, la merlotscha conta aunc adina.

(ord: Ludovic Hendry: Pieder de Pultengia)

Enzacontas damondas sur dalla val Tujetsch

1. Uclaun che ei vegnius devastaus entras fiug e lavinas
2. Rar mineral, numnaus suenter ina val davart seniastra dil Rein
3. En quella val sesanfla in mir da fermada
4. Schlatteina dil deputau da Tujetsch, era d'in mistral da pli baul
5. Tgina dil Rein
6. Patrun baselgia dalla capitala da Tujetsch
7. Capitala da Tujetsch
8. Alp nua ch'ina funiculara dalla Ovra electrica Reinanterior ascenda
9. Pass che unescha il cantun Grischun cun igl Uri
10. Igl emprem vitget spel Rein
11. Scribent tuatschin modern che habitescha a Schaffusa

Remarcas: i=j. Sche Ti has tut las rispostas endretg, anflas Ti ella lingia grossa verticala la sligiazion!






Sligiazion: La pegna scalegl tuatschina

Successiun dils plaids sco els vegnan duvrai el text da largias:

- | | |
|----------------------|---|
| 1 pegnas tuatschinas | 8 preit dalla cuschina |
| 2 crap scalegl | 9 bucca pegna |
| 3 cavas da crappa | 10 inizialas, annadas |
| 4 resgia-crap | 11 decoraziuns |
| 5 tschentapegnas | 12 spenda cauld (accumulatur da calira) |
| 6 mulader | 13 damaun |
| 7 parts | 14 scazi (bischu) |



Duno de Vaz

C. Jochberg e T. Cantieni, Vaz

L'istorgia da Vaz è neida scretga detagledamaintg da Domsextar Dr. J.J. Simonet da Vaz. Chests codeschs (3 toms) èn betg gist uscheia ancunaschaints, e per chest muteiv laschagnsa suandar varscants detagls ord l'istorgia digls barungs de Vaz, per cotras dar agls scolasts la pussebladad da preparar migler l'emissiung radioscola.



La vischnanca da Vaz cun Lain, Muldain e Zorten, oriundamaintg dimora digls barungs cun ples castels oz svanias digl tottafatg. Sur Muldain sacattava per ex. igl casti da Lunat.

1. Ord l'istorgia digls de Vaz


Per l'amprem'eda vign ainten bergiamegna nonavant igl nom digls barungs de Vaz igl onn 1160. Ulric II de Tarasp schintgegia 1160 ena part digls sies ministerials agl sontg uestg Adalgot da Coira. Tar chell'occa-siung sottascreivan scu amprenas pardetgas Walter I de Vaz e sies fegl Walter II.

2. Castels digls barungs de Vaz

Tals cattav'ins a Vaz 4. Igl principal sa cattava a Nivagl e niva numno «Castellum leonis» (oz Cast-liung). Oters castels eran a «Fontana Cotschna» tranter Lain e Zorten, a Solis, a Lunat (sur Lain) e tenor detga betg documentada er en cart a Del, tranter Muldain e Lain.

3. L'arma digls de Vaz

Chella cumpara an treis differentas furmas. La pi ancunaschainta è la cò preschainta:



4. Igls bagns digls barungs de Vaz


Chels eran per gronda part amprests da la diocesa da Coira. Gl'è musso se tg'igls de Vaz davan gronda fadeia da cultivar bagn igl fons e promover l'agricultura ainten las cuntradas tg'els vevan d'administrar.

5. Igls differents representants da la dinasteia de Vaz

Walter I cumpara scu ampren representant. Suondan Walter II, Rudolf I, Walter III, Rudolf II, Marquard, Rudolf III, Renger Walter IV, e scu davos *Duno de Vaz*.

Tavla genealogica da la famiglia de Vaz

(siva Hoppeler pag. 108)



Duno de Vaz, feagl da Walter IV, è naschia anturn igl onn 1280. Siva da la mort da sies bab 1284 stat Duno de Vaz sot guideia da Cont Hugo de Werdenberg, e pir igls 13 da december 1299 sottascreiva el sez en documaint, chegl tgi demossa, tgi Duno era ossa maioren.

Igl onn 1308 è da gronda muntada istorica per la Svizra ed er per igls barungs de Vaz. Ainten las treis teras anturn igl Lai da las Forestas vignan igls tirangs austriacs scatscheas. Igl 1. da matg digl madem onn vign igl imperatour tudestg, Albrecht d'Austria, assassino. Tranter igls assassins sa cattava Walter de Eschenbach, igl cal veva mirido ena sora da Duno de Vaz. Igls feagl d'Albrecht, Fadri e Leopold, tschertgan ossa da piglier vandetga. Duno de Vaz peglia an schurmetg sia sora e la geida er finanzialmaintg,

paiond ad ella igls 27 da matg 1308 180 marcs d'argent (ca. 52 000 francs svizzers).

Igl onn 1321 mora igl uestg da Coira, Siegfried. Uestg Siegfried e Duno de Vaz eran betg gist fitg bungs ameis. Chesta hostilitad tranter Duno de Vaz e la sedia episcopala da Coira è però neida pi gronda e privlousa pir cura tg'igl successour da Siegfried, **Rudolf de Montfort**, ò ascendia igl tron episcopal a Coira.

Rudolf de Montfort simpatisava fitg cugls Austriacs e vaseva betg gugent la gronda pussanza digl barung de Vaz. Bagn dalunga on sa furmo dus parteidas an Rezia, l'egna per e l'otra cunter l'Austria. Alla testa da chella davosa stava Duno de Vaz. El ò a taimp previa igl intent digls Austriacs e chel da Rudolf de Montfort.



Casti da Belfort. Oriundamaintg erigias digls conts da Belfort. 1222 è igl casti giò possessiung e residenza prefereida digls de Vaz. Anc oz stat l'imposanta ruigna sur Surava sen intschess da Brinzouls. Antagl da Mattias Spescha, tenor en maletg da S. Birmann digl onn 1814.

6. La ghera


Rudolf de Montfort cloma ansemen tots sies vasals, ameis e surviaints ed igls dat igl cumond da sa preparar cun las armas per la ghera. Duno, da sia vart, fò igl madem. L'armada digl uestg sa posta a S-chanf an Nagiadegn'ota.

Duno de Vaz rimna sia gliout a Tavo. La ghera ò antschet a la moda digl taimp. Ins tarmetta da mintga vart pi gronds u pi pitschens trups ad ancunter agl inimei, cugl intent digl spiunar or e digl far donn an ena moda u l'otra. En amprem antop dattigl an Val Dischma. En scot gheriers digls de Vaz, cumandos da Lucas Guler, attatga en trup digls de Montfort. Però vignigl pir a Greifenstein sper Filisour tar la gronda battaglia decisiva. Duno de Vaz cun igls sies victoriescha e gronda è la sperdita per Rudolf de Montfort.

Tge onn tgi Duno de Vaz è mort so ins betg per franc. Mohr dei igl onn 1333, Planta 1338. Tant so ins, tgi ches grand defensour da la libertad retica è mort sainza lascher anavos descendenza masculina. Dus feglias, Cunigunda ed Ursula on irto igls bagns stos digls barungs de Vaz. Cunigunda veva mirido igl cont Fadri de Toggenburg. Ursula era maridada cun Rudolf de Werdenberg-Sargans. Chels dus novs possessours on betg propa administro bagn l'ierta da Duno

de Vaz. Malcuntantenscha ed igl desideri per libertad on gia per consequenza tgi Vaz ò igl onn 1456 sa cumpro liber da la tgesa digls de Werdenberg-Sargans.





Carta da las possessiungs digls conts de Vaz e chellas digl uestgia anturn 1337. Siva la mort da Duno de Vaz von en tant da las possessiungs an ierta a Fadri de Toggenburg tgi mareida la feglia da Duno: Cunigunda (Contadi Belfort, Tavo, Portenza, Scanfetg, Marschlins, Maiafeld, Termin etc.). L'otra part vo a la feglia Ursula tgi mareida cugl cont Rudolf de Werdenberg-Sargans (Schons, Valragn, Barembuortg, Stussavgia, la curt Tumegl ed Ortenstein ed igl Scanfetg). Er Vaz, la dimora principal vign agls de Werdenberg-Sargans.

Plan da ghera tranter Duno de Vaz e Rudolf de Montfort

Posiziuns principalas da las armadas a S-chanf (Montfort) ed a Tavo (Duno de Vaz). Siva lotgas d'avanguardia ainten Val Disma dasper Tavo, dattigl ena battaglia decisiva dasper Filisour, damanevel digl casti da Greifenstein.

